

O'zbekiston Respublikasi
Xorazm viloyati
Bog'ot tumani
HO KIMI
QARORI



Ўзбекистон Республикаси
Хоразм вилояти
Боғот тумани
ХОКИМИ
ҚАРОРИ

220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил «27» Март

№ 651а

Боғот шаҳарчаси

Тумандаги “Тулистон” фермер хўжалигига ажратиб берилган ер майдонининг бир қисмини туман ер захира фондига қайтариб олиш тўғрисида

Ўзбекистон Республикаси “Ер кодекси”нинг 36-моддасига, “Фермер хўжалиги тўғрисида”ги қонуннинг 13-моддасига асосан, “Тулистон” фермер хўжалиги бошлиғи Г.Болтаевнинг фермер хўжалигига ажратиб берилган ер майдонининг бир қисмини туман ер захира фондига қайтариб олишни сўраб туман ҳокими номига ёзган сўровномасини ҳамда бу юзадан фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг, туман фермер, деҳқон хўжаликлари ва томорқа ер эгалари Кенгашининг хулосаларини, Халқ депутатлари туман Кенгашининг тавсиясини кўриб чиқиб, Ўзбекистон Республикаси “Маҳаллий давлат ҳокимияти тўғрисида”ги қонуннинг 6, 25-моддаларига асосланиб

ҚАРОР ҚИЛАМАН:

1. Тумандаги “Тулистон” фермер хўжалиги бошлиғи Г.Болтаевнинг фермер хўжалигига ажратиб берилган ер майдонларининг бир қисмидан ихтиёрий воз кечиш тўғрисидаги туман ҳокими номига ёзган сўровномасини инобатга олиб “Тулистон” фермер хўжалиги билан туман ҳокими ўртасида тузилган ер участкасини узоқ муддатли ижарага олиш тўғрисидаги шартномаси бекор қилинсин.

2. Ушбу қарор қабул қилиниши муносабати билан Миришкор қишлоғи ҳудудидаги “Тулистон” фермер хўжалигига ижарага ажратиб берилган 644, 647, 648, 649к, 650, 651, 655к, 658, 659, 660, 662, 669, 672, 673, 676, 677, 679, 680к, 991к, 606к, 610, 611, 613, 614, 615, 626к, 628к, 629, 630, 522, 523, 685, 524, 545-контурлардаги умумий ер майдони 95,3 гектар, шундан 86,7 гектар экин ери, 0,9 гектар узумзор, 2,6 гектар тутзорлар, 4,7 гектар ариқ ва зовурлар остидаги, 0,4 гектар йўллар остидаги ерлардан иборат бўлган ер майдони туман ер захира фондига қайтарилсин ва танловга қўйилсин.

3. Туман ер ресурслари ва давлат кадастри бўлими (Ш.Норбоев) Миришкор қишлоғи ҳудудидаги “Тулистон” фермер хўжалигига ажратиб берилган ер майдонларининг бир қисмини қонунда белгиланган тартибда туман ер захира фондига қайтарилишини ҳамда фермер хўжалиги ихтиёрида қолдирилган қишлоқ хўжалиги ер харитаси бўйича 316, 317к, 322, 324, 325, 327, 329, 330, 332, 335, 337, 338, 339, 340, 487, 488, 489, 503, 504, 505, 506, 507, 508, 509, 510, 511, 514к, 518, 519, 521, 551, 556, 557, 558, 560к, 563, 566, 570к, 632, 633, 634, 636, 637, 638, 640, 642, 646, 646, 807, 808, 811, 813, 814-контурлардаги жами 229,3 гектар, шундан 129,4 гектар экин ери, 0,3 гектар узумзор, 0,5 гектар кўллар остидаги, 6,9 гектар ариқ ва зовурлар остидаги, 3,0 гектар йўллар остидаги, 0,1 гектар қурилиш остидаги, 0,3 гектар қишлоқ хўжалигида фойдаланилмайдиган бошқа ерлардан иборат бўлган ер майдони бўйича фермер хўжалиги раҳбари билан ер участкасини узоқ муддатли ижарага олиш шартномасини қайта тузишни таъминласин.

4. Ушбу қарорнинг тасдиғи фермер хўжаликларига қишлоқ хўжалиги учун ер майдонлари ажратиш масалаларини кўриб чиқувчи вилоят комиссиясидан сўралсин.

5. Ушбу қарорнинг ижросини назорат қилишни ўз зиммамда қолдираман.

Боғот тумани ҳокими



О.Холбоев

